

Presidente di Camara di Comercio nobo a wordo presenta

ORANJESTAD - Despues di eleccion na final di aña 2013, miembronan di Camara di Comercio y Industria a eligi un directiva nobo cu lo sigui maneha y supervisa operacion di e organisacion den e aña nos dilanti. E miembronan nobo di e directiva a scoge Omar Tromp como presidente di Camara di Comercio y Industria. Recientemente a present'e oficialmente durante un evento cu nan a yama e "KVK Coc-

tail Hour".

Entre e invitadonan, a conta cu presencia di minister presidente Mike Eman y minister di Labor y Asuntonan Social, Paul Croes. Tambe varios miembro di Parlamento y miembronan di directiva di otro organisacionnan comercial manera ATIA y AHATA. Omar Felipe Tromp di 41 aña di edad a studia pa fisioterapeuta y a cuminsa traha na Aruba desde aña 2000. Sinembargo na aña 2005 el

a cambia un poco di rumbo, ora cu el a tuma e compania di su tata, Felipe Construction, cu ta existi desde aña 1986 caba. E compania di construccion tin un trayectoria masha exitoso ehecutando varios proyecto, grandi y chikito, pa nos companianan di utilidad.

Na aña 2011, Tromp a drenta directiva di Camara di Comercio y Industria como miembro den e sector di "Klein Bedrijf". Na decem-

ber 2013 el a haya suficiente voto di miembronan di Camara di Comercio y Industria pa bay den directiva atrobe pero representando "Groot Bedrijf". Internamente a nombra su persona como presidente di e organizacion, cu ta representa tur compania inscribi na Aruba. Meta di Tromp ta pa sigui mehora servicio di Camara di Comercio y Industria y Industria na tur su clientenan, sigui expande e cantidad di

servicio cu ta ofrece, sigui yuda comercio desaroya y consecuentemente expande nos economia.

E directiva nobo di Camara di Comercio ta consisti di Omar Tromp como presidente, Lindsey Wever como vice presidente, Robert Carasquero como e miembro cu mas aña den directiva, Satish Daryanani, Frans de Mei, Trey Wyatt, Ernst Mohammed, Julissa Hoevertsz y Daphne Lejuez. □